

Aldiënza dla defensuria zivica: en vëndres ai 12 de jená dales 14.00 ales 17.00 tl salf di Stödafüch a San Martin - prenotaziuns tel. 0471 946 02071 946 020.

Racoiüda dl refodam da tosser l'ater dedolönesc, ai 16 de jená, a San Martin dan le magazin di stödafüch (l'orar ciafeise tla proscima plata) a Lungiarü dan le magazin di stödafüch (l'orar ciafeise tla proscima plata)

Sessiun forestala: la staziun di Verdabosc d'Al Plan lascia alsavëi che la sessiun forestala por l'ann 2024 gnará tignida por döt le Comun da San Martin de Tor, en vëndres ai 12 de jená dales 09.30 tl Salf di Stödafüch a San Martin.

LUNGIARÜ

La Uniun dles Ères ringraziëia chères che á tut pert ala lïta. Le Consëi dla Uniun dles ères por i proscimi 4 agn sará metü adöm da Chantal Mühlmann, Anita Verginer, Sonja Pescollderungg, Maria Teresa Kostner y Iris Ploner. Dilan y prëitambel !

La domënia ai 04 de forá vëgnel festejé le "De dla Vita". En chësta ocajun él la Uniun dles Ères che arjigna n placat cun i retrac di mituns y dles mitans nasciüs/des y/o batiá/batiades tratan le 2023. I periun dër bel i geniturs de chisc mituns/chëstes mitans da ti fá avëi a öna dles surastantes n retrat de so möt/süa möta cina ai 15 de jená o ince tres email a anita.verginer@live.de

Dala lïta dl consëi dla Uniun di seniors y dles seniores tl SBB - Grup da Lungiarü, che s'é stlütta jö en domënia ai 31 de dezëmber, él gnü dé jö indöt 65 zetoles, 0 blances y 0 nules. Dales usc compedades fora dal comité á ciafé chisc candidat le maiü numer de usc: Renate Tatz (44 usc), Clemente Clara (35 usc), Paola Clara dl Mair (31 usc), Iaco Clara d'Aijus (29 usc), Martin Clara (17 usc) y Monica Clara (15 usc). Chisc candidat forma insciö le consëi nü (anfát sciöche chël da denant) te chël ch'al röia ince ite le representant dl SBB.

Dala oferta de buna man dada jö tla sentada generala dl grup di seniors da Lungiarü dl 15 de dezëmber él gnü ite 166 euro che é gnüs mená inant al "Missionsamt dla Diozeja" por sostigní n proiet d'aiüt tl Madagascar.

Por la Cronica Sas dla Crusc 2023 vëgnel perié les uniuns y instituziuns da mené les relaziuns dl'ativité y les fotografies di mituns nasciüs tl ann 2023 cina ala fin de jená 2024 a karinclarla@tiscali.it

Al vëgn bel perié i familiars da comuniché l'inom de chi che complësc 80 agn l'ann che vëgn 2024, ch'al pois ti gní fat les audanzas tla plata dla cöra, telefonan a 348 27 44 517 (Tone) o scrion na mail a anton.gasser@rolmail.net cina ala fin de janá.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

07.01. - 14.01.24 n. 06

ultimo termo por comunicaziuns: jöbia, dales 20.00

Domënia dl Bato de Gejú - B

Vangele do san Merch 1,7-11

Te chël tëmp é lovè sô Jan tl desert y incundâ:
Do mè nen vëgnel un che é plü gaiert co iö;
iö ne sun nia dëgn de me cufé por ti desciolè i cíalzà.
Iö ves à batié cun ega, mo èl ves batiarà cun Spirit Sant.
En chi dis é gnü Gejú da Nàzaret dla Galilea y s'à lascè batié da Jan tl Iórdann.
Y da gnì fora d'ega odòl le cil
che se daurí y le Spirit gnon jö sön èl
sciöche na colomba. Y na usc dal cil dijô:
Tö es mi Fi bunorü, en tè ài ciafè plajëi.



An alda dal cil na usc che dij de Gejú:

Tö es mi fi bunorü.

*Por le momënt n'era nia ciamó dër da capí,
mo de gre en gre vëgn so significat tres plü tler.*

Döes cosses é sëgn tl monn che ti dá na direziun nöia:

*De un n vers le bato che nes liëia a Chël Bel Dî y nes scinca süa impormetüda
"Tö es mi, tö es mia". Dl ater vers é so amur tl monn che döra por dagnora.*

Cun les opres de Gejú y sce nos ti jun do, ti vëgnel mostré al monn n ater dagní.

Al é le bëgn. Idí é bunté y al n'é nia dalunc dal monn mo èl é laite.

Al é laite sciöche fi bunorü y sciöche amur ch'i nes scincun un al ater.

Ince sc'i dubitun, sciöche Jan Batista plü tert,

él Gejú che nes desmostra le contrar.

Tres indô canche d'atri brancia do la spada,

él Gejú che confida tla impormetüda che ti é gnüda dada.


Ma la bunté arpará le rëgn dl cil. (Image)

EDEMA	SAN MARTIN	LUNGIARÜ
07.01.24 DOMÈNIA BATO DE GEJÚ - B	9.30 Corona 10.00 Gran Mëssa por la comunité + + siur A. Morlang y siur M. Graffonara + Albert Conrater, dl ann + Sepl Sorà, Pespach, dl ann	7.50 Corona 8.15 Gran Mëssa por la comunité + Pire Mischi, Pecëi dl ann + Sepl Clara, Sanví
08.01.24 Lönesc <i>Severin, Erhard, Gudrun</i>		
09.01.24 Dedolönesc <i>Iulian, Alex, Adrian</i>	8.00 Mëssa benefaturs y jënt dla Ciasa de Palsa + + Rosalia y Lorenz Untergassmair	
10.01.24 Dedemesaledema <i>Gregöre, Wilhelm, Leonie</i>		8.30 Mëssa + Anny Kob + Anna Pezzei, Tlisöra + vis y def. de Angel Sorà por les püres Animes
11.01.24 Jöbia <i>Paulin, Tomesc, Jan</i>		
12.01.24 Vëndres <i>Tatiana, Tania, Hilda</i>	18.30 Adoraziun chîta 19.00 Adoraziun deboriada	
13.01.24 Sabeda <i>Ilare, Remige, Gottfried</i>	18.30 Mëssa prefestia + Giovanni Trebo, Tor, dl ann + Giovanni Untereweger, dl ann + Maickol Bassutti, dl ann + Loise Ploner Untereweger	
14.01.24 2ª Domènia dl ann B <i>Felize da Nola, Rainer</i>	9.30 Corona 10.00 Gran Mëssa por la comunité de rengraziamënt + Giovanni Rubatscher + Alfred Zingerle, dl ann + + fam. Albert Moling	7.50 Corona 8.15 Liturgia dla Parora



I periun do l'intenziun dl Papa por le mëis de jená

I periun che le Spirit Sant nes dëides
da reconesce la scincunda dla varieté di
carismesc tla gran comunité cristiana y da
descurí la richëza dles tradiziuns liturgiches
desvalies tla Dlijia catolica.



Bel Dî, tō nes scinches la tera, l'ega,
le vin y cotan d'ater,
sostanzes fondamentales por nosta vita,
früc dla tera y dl laur dla jënt.
Da miles de agn incá devënti
simboi de tūa presënza, sc'i savun
da i anuzé cun prudënza y reconescënza.
Insëgnesse da adoré chëstes scincundes
ch'ares pois nudrí inant nüsc descendënc
y ch'ares sides por la jënt
sëgn de tūa presënza y de tūa bunté.
Amen.